

Сунгий мамлакати ахолисидан Чунгичин ном зот бир адаб бор эди. Бу олами фанога ионномас ва хар замон андин пировоз ва риҳлат этмокка толиблиқ кўлидан келмас эди. Они учун жонини овунтирмок учун хаёлилар фикр ва бефиркга хотур эткувчи ишларга ружуъ этмокла ўзига тасалли берарди. Вафотидан сўнгра дунёни некбаҳт ва маҳсулдаридан хисобланди.

Чунгичин Хитой музофотларидан биринда номи Хаво тогининг этакларинда кезар экан, бирдан ўзини бир мозористонда кўрди. Ох, мозористон — минг-минг номунтазам тепачалар садо ва нидодин холи маҳсус замини маъволар (бошпана, макон). У тепалар остинда чор ва ночор инсон ётарлар эди. Уфки жадид сари тамоман муштагил (банд) кабрларни кўрар-кўрмаз сайёх шу фикрга ботди. Афсус, бутун тириклик хаёт йўлини охири келиб етган жойи будур. Бу икоматга мавт ва манзилга хомушона бир карра кирилдими яна кайтмок мумкин йўқ. Бок хотимаи хаёт на ўлди? Чин ахли факат бир тириклик билар. У хаётки шуълаи шамс или мунаввар, хавои соф или ихотадур. Чин файласуфи бу фикрларга сирона кабрга-да юрар экан, либоси мотам киймиш ёш бир хотунга рост келди. Бу хотун янгидан тепаланган бир кабр каноринда ўлтурууб кўлинда еллогичи лукурни елпийур ва хам доимий елпийур.

Бу кадар ажиб бир харакат сабабини англамок шавкина тушуб, сайёх ёш бонуга одоб-ла салом берди.

— Хоним, о, бу мозорга ётган кимдур, на учун шу туфрокни муттасил елпимак захматига гирифтурсиз, сўрамогим мумкинми?

Мани файласуфим хар иш сабабини билмокчи, аммо сизнинг бу амалингиз асло ихота тафаккуримга кирмайдур, деди. Бечора хотун еллогични елинмокда муттасил ло-ян катъи давом этарди. Хотун кизарди, бўзарди, бошини олдингга энгкди. Файласуф бехуда ерга саволини такрор айтди. Мотамкаш хотундан жавоб эшийтмади ва асло кулок бермай жонининг бор куввати-ла еллогични харакатга келтурууб турар эди.

Чунгичин у маҳалдин мутаассуфона айрилди. Хотуннинг иллат ва сабаб харакатини билмай орзусидин хамда шиддатлик орзусидин ўзини сахлаб билмок эди. Шабпаррак каноти каби мутавалли харакатланиб турмиш еллогичга хар замон дўнуб энг чукур ва мутахайирона бир-фикр или бокиб бечора файласуф асло бир шай англамайур эди. Аснои тахайурда мукобилинда бир ожиза чикиб файласуфни бир кабр канорига имлаб, шу сўзларни сўйлади: «Эшийтдимки, хонумдин савол сўрдингиз, аммо жавоб ололмадингиз. Ман орзунгизни дафъ этарман. Аммо мукобили умид айларманки, сиз хам манга бир неча пул берсангизки, бориб, умрумни узун бўлиши учун дуохонлардин бир тумори сеҳрангиз олайин». Чунгичин киссасидин окча чикарди ва аъжуза хотун хам бу можарони сўйлади:

«Кабр каноринда кўрганингиз шу хотун Лу исмлик хонимдур. Узун бир беморликдин ўлмиш Тоъу номинда бир адабни беваси ва у кабр ўлган эрининг кабридур. Эр ва хотун яки дигарини шиддатлик бир ишк ва мухабbat или севарларди. Хатто, охирги нафасинда Тоъу хотунидин айрилмок кулфатидин шикоят этар, гўзал бу хотинини хануз баҳор хаёт ва хуснини ситоратлик замонда ташлаб кетмок дарди фикрига сўзан уради. Лекин на чора, муктасиъ кадрга тобеъ бўлди, бошка илож йўқ.

Беморлик холида Лу хоним хаста Тоъунинг бошидин хеч айрилмас, эридин сўнгра дунёга тирик колмасликни ва болин хаётга иштирокидек карорга, мамотга хам шерик бўлушкини аҳд или баён айлади. Лекин Тоъу мунга жавобан: "Зинхор хоним буйла аҳд ва ямин

айтмангиз", — дер эди. Хотун: "Агарда сиздин сўнгра шериклик балосига гирифтор бўлиб, кўзларингиз юмулганидан сўнгра шу зиёи офтобни кўрмокга мажбур бўлсам, яхши билингки, бошка бироннинг хотини бўлмокга асло рўйи ризо кўрсатмайман", — деб жавобини берди.

Тоъу: "Хоним бону, зинхор бу фикрдан воз кечинг,—дерди. Тоъу хоним: "Эй Тоъу, кўйингиз асрор этмангиз, бори беш санагача уйланмасликга ахд этойинг".

Лекин бу сафар дея Тоъу: "Бону, бундай ахд этманг, факат мозорим устидаки туфрок куригунча кадар мани унутмасликка ахд этсангиз кифоя..."

Лу хоним муни учун махкам ахд этди. Тоъу иккинчи очмаслик учун кўзини юмди. Бону кадаридин девона каби бўлди. Хумор ва хитойи кўзларидин думуъ (кўз ёшлари) оташин шашкатор жорий, хумои (иситма, касаллик) шадид (шиддатли) махдумлари каби ўзини шаш жихата этарди бедард-бедаво.

Дунё одати узра хар шай кечар. Бу сил гамум ва барои хужумда кечди-кетди.

Ох-нолалар кечмас, факат келмасун — Тоъунинг вафотидин уч кун сўнгра Лу хонимнинг кўзи бир маъкул сифатга кирди. Шуйлаки эрини шогирдларидин бир жавон (ёш йигит) таъзиятга келди. Кадрдон шогирдни ох ва ох илин кабул этди. Бу жавон нихоят музайян (безанганд) бир чехра сохиби эди. Аснои муколамада бир оз Тоъудин ва кўброк бонудин баҳс этди. Беканинг латофат андомидин, гўзаллигидин ва зиёдаси-ла хушлаганидин баён этди. Хоним хам андин мамнун ва рози колди. Жавон шогирд яна келишини ваъда илин видоъи этиди.

Бир видоъи умидворий...

Содик ул-ваъда Лу хонум у ваъдаларга интизоран, кўрганингиз, кабр устига келди.

Кунларни елпогич шамоли-ла эри кабрининг туфрогини курутуб ахд этмокга вакф этар...» Кампир хикояни битирап-битирмас файласуфингиз шу фикрга ботди. Умр киска, ёшлик ширин, ёш хотун ва эрларни завк хаволарга учирар. Хар холда Лу хоним солиха бир хотун эмишки, ахдини паймол этмак истамаз.

Интихο

Эй кори, хикоянинг хосили мундин иборатдур. Адабиёт жадидаи мустакбала (келажак замон) мизга ракамидин ёдкори хайр илтифотига ётса, хўжанди шоир мухтарам Сайрий афандига бир тухфадур. Мутолаасига танзил буюрсалар, шоядки, риштаи назма чекилса, бизу сиздин бир хотираи мустакбала колурди. Бу даҳми шеър билмам калбимдин чикди. Муқаддам шоир эмас эдим:

Бу олами хама хайхот бехуда,
Накши зар об паймуда (омонат)...*

1909 йил, далви девона, Самарканд, Махмудхўжа ибн Бехбудхўжа.

* Хикоя «Тасодиф» деб номланган дебоча билан бошланиб, унда ушбу ёзилиш тарихи берилган. Муаллиф 1909 йил киш (далв — 20 янв.—19 февр.) кунларида гоҳ ўғли Масъудхўжа билан турли дарсликлар мутолаа килар, гоҳ сиххат, мантиқа оид китобларни, гоҳ эса турли бадиий асарларни кўздан кечирар экан, бир куни ногоҳ мазкур хикояга дуч келиб колади. У буни олдин хам кўрган эди. Бехбудий асли хитой

адабиётидан олинган ушбу хикояни ўз калби ва калами билан ўзбек ўкувчисига тақдим этмокчи бўлади. Хикоя «Туркистон вилоятининг газети»да 1909 йилги 12-сонида эълоп килинган. 1995 йил «Ватан» газетасининг 28-сонида ёш тадқикотчи Халим Сайдид кичик сўзбоши билан кайта чоп этди. Хикоя X. Сайдид нашри асосида тайёрланди.